



PRIJAVITE SE NA KONKURS ZA KRATKU VIDEO PRIČU NA TEMU “USPJEŠNOG INTER-RELIGIJSKOG SUŽIVOTA I DIJALOGA U BOSNI I HERCEGOVINI”

Vanjskopolitička inicijativa BH (VPI BH), zajedno sa partnerskim organizacijama iz Češke, Mađarske i Slovačke, a u sklopu projekta „*Moj susjed: Priče uspješnog inter-religijskog dijaloga unutar i izvan zemalja Višegradske grupe*“ financiranog od strane International Višegrad fund vas poziva da nam pošaljete:

KRATKU VIDEO PRIČU NA TEMU: “USPJEŠNOG INTER-RELIGIJSKOG SUŽIVOTA I DIJALOGA U BOSNI I HERCEGOVINI”

Pozivaju se mladi od 18 do 25 godina starosti da podijele svoja lična iskustva i razmišljanja, da upotrijebe svoju maštu i kreativnost i pošalju kratke video priče koje odražavaju koncept jednakosti kroz prizmu inter-religijskog suživota i dijaloga koji čine BiH jedinstvenom zemljom koja svojim primjerom može ponuditi mladim Česima, Mađarima, Bugarima i Slovacima čitanje historije u kojoj se vidi da uspješan dijalog između pripadnika različitih vjerskih zajednica može biti (i, zapravo, i jeste) pravilo, a ne izuzetak.

Smjernice za kratku video priču:

- Trajanje od 3 - 5 minuta;
- Snimanje mobilnim telefonom je dozvoljeno i poželjno;
- Uz video obavezno poslati i prijavu u kojoj će biti naznačeni podaci o autoru/ima i kratki opis videa;
- Video treba da bude kratki prikaz religijskog suživota i svakodnevnih situacija, bilo da se radi o proslavi određenih praznika, uspješnoj saradnji različitih religijskih grupa, sportskim natjecanjima, obrazovnim aktivnostima i sličnim aktivnostima.
- U naslov mail-a upisati sljedeće podatke: ImeAutora_PrezimeAutora_NazivPriče
- Video priču i prijavu dostaviti na mail: info@vpi.ba

Našu pažnju će, sigurno, privući najiskrenije i najkreativnije priče iz susjedstva te će biti dodijeljene i tri novčane nagrade i to u sljedećim iznosima:

- 1. nagrada – 300 KM**
- 2. nagrada – 200 KM**
- 3. nagrada – 100 KM**

Glavni cilj projekta jeste podizanje svijesti mladih unutar V4 zemalja o religijskom suživotu; o prihvatanju drugih i drugačijih, o toleranciji i bogatstvu različitosti, stavljajući naglasak na dekonstrukciju netačnih i politički instrumentalizovanih pogleda na druge (manjinske) religije kao na nešto opasno i neprijateljski nastrojeno. Pogotovo u kontekstu bliske prošlosti, kada se uzmu u obzir posljednje političke migracije i migrantske krize. Više informacija o projektu i partnerima na sljedećem linku: <https://bit.ly/2M9nCA9>

Poziv za sve zainteresovane otvoren je do **28.02.2019. do 17:00.**

Za sve dodatne informacije možete nas kontaktirati na mail: info@vpi.ba

Radujemo se vašim prijavama i zanimljivim pričama!

